

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XV.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XV.

BULLA URBANI II. PONTIF. MAX. PRO ABBATIA
S. PETRI IN NIGRA SILVA.

A N N O M X C V.

Ex rotulo San - Petrino.

URBANUS Episcopus Servus Servorum Dei. Dilectis in Christo filiis, in loco, qui Cella S. Petri dicitur, sub B. Benedicti regula dimicantibus, eorumque Successoribus regulariter substituendis in perpetuum.

Desiderium, quod ad religiosum propositum & animarum salutem pertinere monstratur, auctore Deo sine aliqua est dilatione complendum. Quia ergo egrægiæ nobilitatis vir BERTHOLDUS DUX in Comitatu Brisgaufenfi, in Constantiensi Episcopatu, in Sylva, quæ dicitur nigra, ad honorem Sancti Petri Apostolorum Principis Monasterium ædificavit, ipsum quoque allodium Romanæ Ecclesiæ Juri mancipavit. Nos ejus devotionem nostra Auctoritate firmantes locum ipsum sub Apostolicæ Sedis tutela specialiter fovendum suscepimus. Per præsentis igitur privilegii paginam Apostolica auctoritate statuimus, ut quæcunque prædia sive possessiones præfatus Dux, vel alii viri ex suo jure vestro Monasterio obtulerint, sive in futurum Concessione Pontificum, Liberalitate Principum, seu oblatione fidelium justè atque canonicè poteritis

adipisci, firma Vobis, Vestrisque Successoribus & illabata permaneant. Decernimus ergo, ut nulli omninò hominum liceat idem cœnobium temerè perturbare, vel ei subditas possessiones auferre, minuere, vel temerariis vexationibus fatigare, sed omnia integrè conserventur, vestris, vestrorumque Successorum usibus omnimodis profutura. Obeunte eo, qui in vobis Abbatis fungitur ministerio, nullus ibi sub qualibet subreptionis astutia vel violentia præponatur, nisi quem vestri Collegii Universitas, vel sanioris Consilii pars secundum timorem Dei, & B. Benedicti regulam elegerit. Advocatus, quem vestris iuribus decreveritis, nullam in Monasterio vestro aliquid disponendi habeat potestatem: Nulli etiam sæculari personæ in eodem loco liceat habitare.

Vos autem filii in Christo Charissimi oportet regularis disciplinæ Institutionibus diligenter insistere, & totius animæ ac mentis virtutibus anhelare, ut per arctam viam gradientes Omnipotenti Deo placere, & ad supernam latitudinem pervenire valeatis. Ad indicium autem perceptæ hujus à Romana Ecclesia libertatis *aureum Bisantium* per singulos annos Lateranensi Palatio persolvete.

Sanè si quis In Crastinum Archi-episcopus aut Episcopus, Imperator aut Rex, Princeps aut Dux, Comes aut Vice-Comes, Judex aut persona quælibet magna vel parva, sæcularis vel Ecclesiastica hujus nostræ constitutionis paginam sciens contra eam temerè venire tentaverit, secundo tertiove commonitus, sin non satisfactione congrua emendaverit, potestatis honorisque sui dignitate careat, reumque se divino judicio existere, ut à Sacratissimo corpore & sanguine Dei ac Domini Redemptoris Nostri Jesu Christi alienus fiat, atque in extremo examine districtæ ultioni subjaceat; Cunctis autem eidem loco justa servantibus

fit pax Dni. nostri Jesu Christi, quatenus & hic fructum bonæ actionis percipiant, & apud districtum Judicem præmia æternæ pacis inveniant. Amen. Datum *Placentiæ* per manum Joannis Sanctæ Romanæ Ecclesiæ Diaconi Cardinalis VIto Idus Martii Indiçt. III. Anno Dominicæ Incarnat. M^oXC^oV. Pontificatûs autem Domini Urbani Secundi Papæ VIIo.



XVI.

CHARTA FUNDATIONIS MONASTERII S. ALBANI
BASILEÆ, PER BURCHARDUM EPISCOPUM
BASILIENSEM. (a)

A N N O M C I I I .

Ex Cod. Urstifiano Archivi Basil.

In nominæ sanctæ individuæ Trinitatis Amen.

Cum ex adjuncto divinitus officio vicem Dominicam in Ecclesia gerere debeamus, providendum Nobis summopere est, ne magis gloriam propriam quam Justitiam quærere a Domino judicemur, & talentum creditum in terram magis fodere, quam cum sœnore ad Dominum reportare comprobemur. Bonum ergo operantes ad Omnes, non deficiamus, tempore enim suo metemus vitam æternam. Hujus rei gratia

(a) Fragmenta hujus Chartæ dedit URSTIS, *Epit. Hist. Basil.* Cap. X. pag. 123.